



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **De Vita B. Francisci Xaverii**

**Torsellini, Orazio**

**Coloniae Agrippinae, 1610**

VI. Cordis mundities & castimonia.

**urn:nbn:de:hbz:466:1-42323**

bat. B. Mariæ, Dei parenti, benigniffimæque hominum patronæ, maximè ad- dictus erat. Itaque moribundus sacro- sanctæ Trinitatis, I E S U Christi, B. Ma- riæ, vsu magistro, identidem exposcebat opem; vt quorum cum æximia veneratione moreretur. Secundùm hos, Arch- angelum Michaëlem cælestium principē, ac propugnatorem Ecclesiæ, egregio colebat studio; inde beatorum omnium ac fidelium cœtum, Christique sponsam Ecclesiam, cuius auxilium sæpius implo- rabat. Angelum quoque custodem su- um, itemque Archangelos locorum, vbi versaretur, aut quò tenderet, Præsides fre- quenter in suis conatibus, ærumnis, peri- culis, inuocabat.

*Pietas eius  
in Archan-  
gelum Mi-  
chaëlem.*

## CAPVT VI.

*Cordis mundities & castimonia.*

HANC Francisci excellentem in oran- do pietatem par animi mundities a- cuebat ad videndum Deum. Id adeò declarat talis munditiæ index innocen- tia vitæ, multorum eius familiarium testimonio comprobata. Hi quippe pro- fessi sunt, nihil se vnquam in illo depre- hen-



*Sapius in  
die consci-  
entiã ex-  
cutit.*

*Solitus cõ-  
fiteri quo-  
tidie.*

*Virginalis  
pudicitia.*

*Horror im-  
purarũ co-  
gitationũ.*

hendisse, quod cuiusquam oculos aut a-  
nimum offenderet. Illud quoque indicio  
est, quod & sapius in die diligentius cõ-  
scientiam excutiebat suam, & cæteros ad  
idem faciendum magnopere hortabatur,  
in eo perfectæ vitæ cardinem verti ratus.  
Sacramento verò confessionis, vbi Sacer-  
dotis copia erat, utebatur quotidie. Ani-  
mi porrò sanctitatem perpetua corporis  
sanctitas honestavit. Satis constat, ab eo  
virginalem pudicitiaæ florem ad extremũ  
vsque spiritum costoditum. Id & Melia-  
poræ Vicarius ex sermone cum Francis-  
co ibidem habito se comperisse liquidò  
confirmavit, & alij eius confessiones ex-  
cipere soliti se prospexisse testati. Insignis  
profectò in illo amor castimoniam, insigne  
odium libidinis fuit; adeò vt vel minimas  
huius generis labeculas exofus, ipsum  
horreret libidinis nomen. Quod vel ex  
eo, quod subijciam, existimari licebit. O-  
lyssippone profectiois Indicæ diem op-  
periens, cum Simone Roderico in eodem  
diuersabatur cubiculo. Ibi intempesta  
nocte repente excitatur è somno, adeò  
commotus, vt è naribus magnam vim  
cruoris profunderet. Eius deinde rei cau-  
sam Simonem rogitantem obstinato si-  
lento celavit, quamdiu in Lusitania fuit.  
Ad vltimum, vbi soluendi aduenit tem-

pus,



pus, sub digressum in navis angulum cū  
 eo secessit: & sine arbitris, Nunc demum,  
 inquit, tempus est enunciandi, quod to-  
 ties ex me, Simon, frustra es sciscitatus;  
 quippe hoc vltimum (vt arbitror) sum te  
 in hac vita visurus. Scito igitur illa no-  
 cte impuram speciem per somnium mihi  
 oblatam; sum maque vi repellere conanti  
 tantam illam copiam sanguinis erupisse.  
 Hisce signis humanisque testimoniis di-  
 vinum indicium ac testimonium extincti  
 corporis accessit integritas. Quod eximi-  
 um Dei beneficium inter alia egregiæ vir-  
 ginali castimonix concessum accepimus.  
 Ceterum Franciscus, vt tantum custodi-  
 re thesaurum, non castior fuit, quam  
 cautior. Etsi enim vir sanctissimus cæle-  
 stium rerum contemplationi maximè  
 deditus, excellentisque temperantiæ ar-  
 tis tectus, nullo negotio *tela nequissimi*  
*periculi exstingueret*; tamen adeò timidus  
 in hoc genere & cautus erat, vt si maxi-  
 me obnoxius esset libidini. Nunquam  
 cum femina vlla, nisi luce palàm, & adhi-  
 bitis arbitris, de rebus vtique necessariis  
 collocutus est, ratus mulieres ferme  
 adiri minore emolumento,  
 quàm periculo.

*Cautio in  
 pudicitia  
 seruanda.*